



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

X. Beatam dicit Virginem M. Magdalena; quia ista est verior Maria.

[urn:nbn:de:hbz:466:1-51821](#)

10. Beatam dicit Virginem M. Magdalena.

Quia ista est verior Maria.

De Magdalena dictum est. Optimam partem elegit. Felicior in hoc Virgo nostra, illa doctrinam Christi, haec Christum elegit, illa rivum, haec fontem cum rivo. Illa aliquando septem dæmonijs repleta, haec semper gratia plena: illa metrrix, haec Spiritus S. Sponsa, illa Phiala; haec, unica, formosa, columba, dilecta. Illa obtinuit Lazari fratri resuscitationem, sed in nomine hujus. Quærit s. Chrysostom. Cur venit Magdalena cum pro Lazari vita oraret Martha, & respondet quia Magdalena erat Materni nominis bajula, habuit enim prænomen Maria. Illa ad pedes Christi sededit, huic attribuitur illud 3. Reg. 2. *Surrexit Rex in occursum eius adoravit eam, & sedidit super thronum suum, positusque est thronus Matri Regis, quem sedidit ad dexteram ejus.* Ex ore crani S. Magdalena vitis germinavit eoque indicio ipsa reliquias suas demonstravit. Carolo Siciliæ Regi apparens ei in carcere, ex eoque illum liberans ut refert *Surius 22. Julij.* De ore Virginis coepit botrus cypri, quando Angeli nuncianti respondit. *Ecce ancilla Domini fratris mibi secundum verbum tuum.* Illa in solitudine Magdalena pascebatur solo canta Angelico septies in diem repetito; haec Virgo ab Angelis reficiebatur ut alibi diximus, in templo. Magdalena cruci adstitit Christi; Virgo vero Christum affectu osterebat, immo ut docet s. Antonius, p. 4. *Theolog. tit. 15. c. 41. par. 1.* Stabat ita Divina voluntati conformis, quod si oportuisset ad implendam secundum rationem voluntatem Dei, ipsa Filium in cruce posuisset ac obtulisset, neque enim minoris fuit obedientia ac Abraham. *Laur. Justin. de Agon. Christi c. 2.* Clarissimum passionis Christi speculum effectum erat sor Virginis, c. 17. In corpore Filius, in mente erat crucifixus Genitrix. Magdalena venit ad ungendum corpus Christi, sed Virgo non venit quia certe sciebat & expectabat Christum eodem die resurrectum, unde sciebat hanc unctionem fore frustraneam. Ait Cornelius in Matth. c. 28. Et quia Virgini ante alios redivivus apparuerat, Magdalena fuit Apostola Massiliensium. *Euseb. Dexter in Chronico.* Sacra Virgo Maria consilio, luce doctrinæ, & admirabili virtute exemplo collegio presidet Apostolico, nihilque grave gerunt illi, quod non eius consilio ducentuque gerant. Ipsa ut docet Rupertus, lib. 1. in Cantico, orcam inter Apostolos questionem de legalibus, resolvit. Magdalena vi amoris est mortua ut est in *Apoc. 14.* S. Virgo est amore mortua.

Aa 3

n. Beatam